

*Макарова Анфиса Иннокентьевна,
Ньурба оройуонун Маалыкай сэл.
“Мичил” уһуяан иштээччитэ*

Таал-Таал эмээхсин остуоруйа сценарийа

Ааптар: - Үтүө күн буолуохтун, күндү көрөөччүлэр, истин истээччилэр, сэргэх сэнээрээччилэр.

Остуоруйа иитэр-үөрэтэр суолтата кэлинни кэмнэ уостан-оһон эрэр диэтэхпинэ сыыспатым буолуо... Ордук сахалы тылынан остуоруйа аныгы кэмнэ аабыллара, ахтыллара аҕыйаата. Аныгы тыыннаах остуоруйалар айыллыбаттарын кэриэтэ, баар да буоллахтарына дьонно-сэргэбэ киэнник тарбана охсубаттар... Чэ, итинник кылгастык бэйэм санаабын этэн аастым...

Иһиттигит ини, истибэтигит ини, истэн бөҕө буоллаҕа буолуо...

“Таал-Таал эмээхсин” остуоруйаны...

Этэргэ дылы мүччүргэннээх сырыылаах эмээхсин, барахсан...

Чэ, мин эһиэхэ, саната таарыйа кэпсиим... Эһиги иһийэн олорон истин, көрүн, сэргээн, сэнээрин...

Таал-Таал эмээхсин олоҕу эбитэ үһү. Таал-Таал эмээхсин бэстилиэнэй ынаҕын өлөрөн сиэн кэбиспит, сиэн баран, таалын эрэ ордорон ардыаахха хатара уурбут уонна уу баһа кирибит... Кини ыаҕаска уутун баһан таһааран, уу кытытыгар ууран баран, хатыыскалы сылдыбыт. Ол хатыыскалы сылдьан, сыһа тирэнэн, сототун тосту түһэн кэбиспит.

Эмээхсин:- Оо, иэдээн да буолар эбит, сорум-мунум да буолар эбиит, өлөр өлүүбүн буллабым буолуо дуооо ... ол иһин даа бэстилиэнэй ынахпын сиэхтээтэҕим буолуо... Уубун баһан баран тахсан хаалбаккабын быстахха былдыаннабым үһүөөөө.. Абытайбын-татакайбын!

Ааптар:- Ыарыкката бэрдиттэн, дөйүөрэн сыта түһэн баран син уһуктаахтыыр, уу кытытыгар турар ыаҕастарын диэки кылап-халап көрбөхтүүр, хараҕа ууланар, онтон хайыай, быстыа дуу, ойдуо дуу Аар айылҕатын кытта кэпсэтэргэ сананар...

-Муус-муус, бэркин дуо?

-Муус-муус бэрдим ханна барыай!

-Муус –муус, бэрт да буолларгың, күн-күн тоҕо уолларар?

-Күн-күн кытара кыһан, итиитэ-суоһа бөҕө, миигиннээбэр бэрт буоллаҕа дии...

-Күн-күн бэркин дуо?

-Күн-күн бэрдим ханна барыай!

-Күн-күн, бэрт буолларгың, былыт-былыт тоҕо хаххалыыр?

-Былыт-былыт обургу баараҕай бэйэтэ миигиннээбэр бэрт буоллаҕаааа...

-Былыт-былыт, бэркин дуо?

-Былыт-былыт бэрдим ханна барыай!

- Былыт-былыт, бэрт буолларгың, тоҕо тыал-тыал эйигин үүрэр?

-Тыал-тыал обургу ойуурдары, сыһылары, хайалары нөнүөлээн ибиирэн-сипсийэн, таһыйан-купсуйан миигиннээбэр бэрдэ бэрт буоллабаа...

-Тыал-тыал, бэркин дуо?

-Тыал-тыал бэрдим ханна барыай!

-Тыал-тыал, бэрт буолларгын, тобо таас-таас хайаны хамсаппаккын?

- Таас-таас хайа талан ылбыт сириттэн мээнэ хамсаан биэрбэт сүдү күүс буолан миигиннээбэр эрэ бэрт кини...

-Таас-таас хайа, бэркин дуо?

-Таас-таас хайа бэрдим ханна барыай!

-Таас-таас хайа, бэрт буолларгын, сүр-сүр күүдээх тобо супту сүүрэр?

- Сүр-сүр күүдээх кыра бэйэтэ супту сүүрэр аналанын, суон сурахпын суурайан, мин бэйэлээби баһыйан, ордуобун ордор буоллабаа...

-Сүр-сүр күүдээх бэркин дуо?

-Сүр-сүр күүдээх бэрдим ханна барыай!

-Сүр-сүр күүдээх бэрт буолларгын, ыт-ыт тобо тутан сиир?

-Ыт-ыт обургу ытырыыга батарбакка миигиннээбэр бэрдэ бэрт буоллабаа...

-Ыт-ыт бэркин дуо?

-Ыт-ыт бэрдим ханна барыай!

-Ыт-ыт, бэрт буолларгын, бөрө-бөрө тобо куттуур?

-Тайбаанан, ойуурунан сундулуйа субулар бөрө убайым бэрдэ ханна барыай. Миигиннээбэр ордуга биллэр буоллабаа...

-Бөрө-бөрө бэркин дуо?

-Бөрө-бөрө бэрдим ханна барыай!

-Бөрө-бөрө, бэрт буолларгын, хахай-хахай тобо тутан сиир?

-Ойуур-тыа бастын маанылаах кыылын утары барыллыбат.

Миигиннээбэр төһө эмэ бэрт буоллабаа...

-Хахай-хахай, бэркин дуо?

-Хахай-хахай бэрдим ханна барыай!

-Хахай-хахай, бэрт буолларгын, киһи-киһи тобо бултуур?

-Игэйэр икки атахтаах, иннинэн сирэйдээх киһи обургу өйө бэрт буоллабаа...

- Киһи-киһи, бэркин дуо?

-Киһи-киһи бэрдим ханна барыай!

-Киһи-киһи, бэрт буолларгын, тобо уоттан куттанабын?

-Аал уот иччилээх, мин киниэхэ сүгүрүйэбин, кыһыртааха-хомоттоххо ойууру-тыаны имири сотон аһар мунутуур күүстээх буоллабаа...

-Уот-уот, бэркин дуо?

-Уот-уот бэрдим ханна барыай!

-Уот-уот, бэрт буолларгын, уу-уу тобо умурорар?

-Уу – сир ийэ тымыра, кини миигиннээбэр мөлтөх буолуон сатамат, кини бэрдин мэлдьэспэппин.

-Уу-уу, бэркин дуо?

-Уу-уу бэрдим ханна барыай!

-Уу-уу, бэрт буолларгын, сир-сир тобо инэрэр?

-Сир ийэм барахсан миигин инэрэн тыннанар, эһиэхэ иэгэйэр икки атахтаахха, хамсыыр харамайга, окко-маска барытыгар олох биэрэр аналлаах, онон кини барыбытынааҕар бэрдин ким да мөккүспэт!

-Сир-сир, бэркин дуо?

-Сир-сир бэрдим ханна барыай! Бэрт буоламмын миигин туох да кыайбат!

Ааптар: -Дьэ, киһи эрэ буоллар үүтэ-хайаҕаһа бүөлэннэ. Этэр тылын булбата. Санаан көрдөбүнэ сиртэн ордук туох да суох буолла. Арай киниттэн ааттаһарыгар тийдэ.

Эмээхсин: -Дьэ, сир ийэ хотун! Эн бу аан дойду хамсыырын-харамайын, отун-маһын, тынар-тыннааҕын барытын баһылыктыырын быһыытынан, абыраа, өрүһүй, миигин бу өлүүттэн быһаа!

Ааптар: -Сир ийэ хотун, иһиттиэм-истибэтиэм диэбиттии, эмээхсини өрө тэйэ түһүөр диэри хоннору быраҕан кэбистэ. Эмээхсин эрэйдээх, үөрүүтүттэн, сиртэн харыс өрө тэйэ сылдыар курдук сананна. Уутун баһан, дыэтигэр тахсан, күн бүгүнүгэр диэри үөрэн-көтөн, үчүгэйдик олорор үһү.